

Приложение к приказу
от 18 августа 2015 года № 01/1-02/118

УТВЕРЖДАЮ
И.о. министра национальной политики
Удмуртской Республики


П.А. Орлов
«___» _____ 2015 г.

«Быдзым лыдзет дауре»

I элькун вожвыльясськон сярысь Положение

1. Вожвыльясськон сярысь огъя ивортон

1.1. «Быдзым лыдзет дауре» I элькун вожвыльясськон (азыланяз – Вожвыльясськон) ортчыйське Удмурт Элькунысь йоскалык политикая министерствоен (азыланяз – Рядьясь) Удмурт Элькунысь «2013-2020-тй арёсы йоскалыкёслэсь кусыпъёссэс юнматон но мерлыко улонзэс азинтон» программаез быдэстыса.

1.2. Вожвыльясськонлэн меретьёсыз (цельёсыз):

- удмурт кылын нылпиослы гождьяськисьёс пöлысь выль нимъёсты шараян;
- лыдзисьёслэсь удмурт нылпи литературалы саклыксэс висьян;
- нылпиослы удмурт кылын гождьяськисьёсты коньдонэн но мукет амальёсын дуньян сöзнэтэз радьян.

1.3. Вожвыльясськон ортче кык öрья (номинация):

- «Бекче-бече, усьтйськы!» – 5-9 аресъем нылпиослы гождтэм ужъёс;
- «Оло зэм, оло даур...» – 10-16 аресъем нылпиослы гождтэм ужъёс.

2. Гожтэм ужъёслы куронъёс

2.1. Вожвыльясськонэ пыриськыны быгато **азьвыл нимаз книгаен поттымтэ** удмурт кылын гожтэм ужъёс но дунтэк ужась Интернет вотэс бамъёсын потэм ужъёс.

2.2. Вожвыльясськонэ пыриськыны **уг быгато**:

нимаз книгаен яке кыче ке бичетын, журналын поттэм гожтэм ужъёс (дунтэк ужась Интернет вотэс бамъёсын потэмъёссэ лыдэ басьтытэк);

берыктэм гожтэм ужъёс (мукет кыльёсысь удмурт кылэ берыктэм гожтэм ужъёс).

2.3. Ужлэн гожтэм дырыз лыдэ уг басьтйськы.

2.4. «**Бекче-бече, усьтйськы!**» öре кутйсько 5-9 аресъем нылпиослы прозаен но кылбурен гожтэм ужъёс. Гожтэм уж 2 автор бамлэсь бадзым луыны кулэ öвöл (1 автор бам = 40 000 печатлам пус, гождьяськон пусъёсты но кыльёс вискысь буш интыосты лыдьяса).

2.5. «**Оло зэм, оло даур...**» öре кутйсько 10-16 аресъем нылпиослы прозаен гожтэм ужъёс. Гожтэм ужлэн быдзалаез – 3-10 автор бам (1 автор бам = 40 000 печатлам пус, гождьяськон пусъёсты но кыльёс вискысь буш интыосты лыдьяса). Та öрын нимысьтыз саклык висьяськоз фэнтези, фантастика, детектив но приключение жанрын

гожтэм ужъёслы. **Тужгес но вылі дуньяськозы удмурт мифъёс но выжыкылъёс вылэ пыкъяськыса фэнтези амалэн гожтэм ужъёс.**

«Оло зэм, оло даур...» өре ужзэ сётись авторлы пусйиськон кабын «синопсис» чурын гожтоно ужелзэсь вакчияк пуштороссэ, валэктон сётоно геройёсыз сярись.

3. Вожвыльясъконэ пырисъкисьёслы куронъёс

3.1. Вожвыльясъконэ аслаз гожтэм уженыз **ачиз автор** (яке авторъёс) **гинэ** пырисъкыны быгатэ.

Нимтэм гожтэм ужъёс уг эскерисько.

Автор кушемнимыз улын ке гожъяське, со одно ик пусйиськон кабын аслэсьтыз зэмос нимзэ ивортыны кулэ.

3.2. Котькуд автор Вожвыльясъконэ одйг яке трогес гожтэм ужзэ (мукет авторен чош гожтэмъёссэ но) сётыны быгатэ.

3.3. Вожвыльясъконэ пырисъкыны быгато дуннелэн котькыче сэрегысьтыз котькөнә аресъем адямиос.

4. Ужъёсты Вожвыльясъконэ кутонлэн радлыкез

4.1. Ужъёсты Вожвыльясъконэ 2015-тй арын 20-тй гудырикошконысен 2016-тй арын 20-тй толшорозь сётыны луэ.

4.2. Эскерисько 4.1. пунктлэн куронъёсызлы тупась ужъёс гинэ.

4.3. Одйг гожтэм ужел одйг өре гинэ сётыны луэ; одйг ужел кык пöртэм öръёсы сётыны уг яра.

4.4. Гожтэм ужъёсты келяно www.minnac.ru бамын сётэм нимысьтыз сётэм пусйиськон каб пыр Word форматэн (*.doc, *.docx, *.rtf). Файллэн нимыз (кириллицаен яке латиницаен) гожтэм ужлэн нимыныз тупаны кулэ.

4.5. Печатласа ваем ужъёс, дискен яке электрон почтаен келям ужъёс **уг эскерисько.**

4.6. Вожвыльясъконэ пырисъкись гожтэм ужъёслы шара дунъет уг сётиськы, авторен гожтэт яке телефон пыр герзасъкылэмын уз луы.

4.7. Вожвыльясъконэ келям ужъёсын лыдзисьёс тодматскыны быгатозы Радъясьлэн вотэс бамаз 2016-тй арын 21-тй толшорысен.

4.8. Гожтэм ужзэ Вожвыльясъконэ келясь автор соглаш луэ ужзэ 2016-тй арын 21-тй толшорысен 31-тй южтолзэзэ Радъясьлэн вотэс бамаз пуктыны.

4.9. Вожвыльясъконэ ужъёсты кутон дыр йылпумъяськытозь (2016-тй арын 20-тй толшорозь) автор быгатэ аслэсьтыз ужзэ Вожвыльясъконысь басьтыны.

5. Вормисьёсты быръён но дунъян

5.1 Котькуд öрын вормисез но кык лауреатэз быръё журилэн ёзчиосыз. Журие пыро: «Удмуртия» книгапоттонниысь öнерчиос, гожъяськисьёс, журналистьёс, литература но кылтодон удысысь öнерчиос, дышетисьёс, лыдзетьюртьёсысь öнерчиос.

5.2. Журилэн ёзчиосыз котькуд ужел 10 бал сöзнэтъя эскеро (1 балл – улй дунъет, 10 балл – вылі дунъет); нимаз пуктэм балльёс ог-огзы борды ватсасько.

5.3. Вормисе потэ тужгес но трос балл басытэм ужлэн авторез. Көня ке ужъёс одйг кадь балл басытон учыре, лыдьясько гожтэм ужлы тужгес но трос балл пуктэм бюллетеньёс. Озы ик бырийсько 2-тй но 3-тй интыос.

5.4. Вожвыльяськонын вормисе потэм авторен (котькуд öрын 1-тй инты басытэм авторен) гожтэм ужзэ печатлан-поттон сярысь огкыл гожтыны ёектэмын луоз.

5.5. Котькуд öрря лауреатъёс кузьымъёсын (сертификатъёсын) пусйисько:

5.5.1. «Бекче-бече, усьтйськы!» öр:

1-тй инты – 30 сюрс манет;

2-тй инты – 20 сюрс манет;

3-тй инты – 15 сюрс манет.

5.5.2. «Оло зэм, оло даур...» öр:

1-тй инты – 55 сюрс манет;

2-тй инты – 40 сюрс манет;

3-тй инты – 30 сюрс манет.

5.6. Лыдзисьёс куаразэс сётыны быгатозы 2016-тй арын 21-тй толшорысен 15-тй тулыспалозь. Котькуд öрын вормисьлы, кудйз понна лыдзисьёс тужгес но трос куара сётозы, нимысьтыз кузьым висьяськоз:

«Бекче-бече, усьтйськы!» öр – 10 сюрс манет;

«Оло зэм, оло даур...» öр – 17 сюрс манет.

5.7. Лауреат луэм уж көня ке авторъёсын гожтэмын ке, кузьымез авторъёс асьсэ учкемзыя куспазы люко.

5.8. Вожвыльяськонын вормисьёс кузьымъёссы понна выт тырон ласянь асьсэос кыл кудо.

5.9. «Быдзым лыдзет дауре» I элькун вожвыльяськонлэн радлыкез:

– ужъёсты Вожвыльяськонэ кутон кутске 2015-тй арын 20-тй гудырикошконэ;

– ужъёсты Вожвыльяськонэ кутон йылпумьяське 2016-тй арын 20-тй толшоре;

– лыдзисьёслэн куара сётонзы – 2016-тй арын 21-тй толшорысен 15-тй тулыспалозь;

– вожвыльяськонлы йылпумьян лэсьтон, вормисьёсты ялон но кузьым сётыян 2016-тй арын 25-тй тулыспалэ.